



Hordaland Friidrettskrets

Referanser:

Dykkar: Sletten, Jan-Arle
Vår: 15/2301 - 17/35139

Saksbehandlar:

Atle Vaage
Atle.Vaage@lindas.kommune.no

Dato:

13.12.2017

Rapport etter befaring av idrettsanlegg i 2017

Eg takkar for konstruktive synfaringar på Lindås kommune sine anlegg.

Som nemnt under synfaringa, er det daglege vedlikehaldet på banene styrt av kva ressursar eigedomseininga har. Eg oppmodar friidretten i Lindås til å jobba saman med den øvrige idretten gjennom Lindås Idrettsråd, for å setja fokus på drift av anlegga kommunen eig.

For hovudanlegget i Knarvik er status at det no vert jobba med ein samla plan for vidareutvikling av idrettsparken. Å laga ein slik plan er eit av tiltaka i kommunen sin idrettsplan. Idrettsråd og idrettslaga medverkar i prosessen. Blant innspela det vert jobba med er ønsket om å utvida løpebanene til fullverdig anlegg. Eit slikt prosjekt ligg per i dag ikkje i idrettsplanen, og friidretten vil dermed måtta fremja det via Lindås Idrettsråd.

For Ostereidet er status at det er løyvd 400 000 frå dei såkalla statlege krisemidlane til vedlikehald på dagens anlegg. Det er avhalde møte med blant anna Eikanger IL for å klargjera kva tiltak midlane skal prioriterast til, men det vil enno gå noko tid før arbeidet vert igangsett. Total rehabilitering av anlegget var som friidrettskretsen kjenner til eit av prosjekta som vart vurdert i samband med idrettsplanen. Dette vart valt vekk til fordel for fleirbrukshall, ikkje minst pga påtrykk frå ulike grupper i bygda. Prosjektet ligg per i dag på langtidsplanen over anlegg det ikkje er funne rom for å gjennomføra dei næraste åra.

For Lindås medverka Lindås IL og Idrettsrådet i planlegginga av rehabilitering ute. Slik anlegget ligg, vil det vera praktisk mogleg å etablera 1-2 meter med løpedekke i ei rundbane. Eit slikt prosjekt ligg per i dag ikkje i idrettsplanen, og vil måtta fremjast via Lindås Idrettsråd.

Med helsing

Atle Vaage
fagansvarleg idrett og grønt

Post

postmottak@lindas.kommune.no
Dokumentsenteret
Kvernhusmyrane 20, 5914 Isdalstø

Kontakt

www.lindas.kommune.no
Telefon +47 56 37 50 00
Telefaks +47 56 37 50 01

Konto 3201.05.89311
Org.nr. 935 084 733



Dette dokumentet er elektronisk godkjent og har difor ingen signatur.

Kopi til:

Lindås Idrettsråd

Mottakrar:

Hordaland Friidretskrets